



Progèttu:  
**“ÉU FAÉDDHU GADDHURÉSU”**

Finanziàtu da la Legghji 482 di lu 1999, alticculi 9 e 15 e Legghji Regionali 22 di lu 2018 –  
annualitài 2021

## Cumuni di Lungòni

PROVINCIA DI SASSARI

### Uldinanza Diriggenziali

REGGISTRU GENERALI N. 43

DI LA DÌ 13 DI SANTIGAÌNI DI LU 2022

**OGGETTU:** L'OLDINI DI LU TRAFFICU IN OCCASIONI DI LI FESTI DI LI SANTI PATRONI

### SETTORI DI 'IGILANZIA E PROTEZIONI ZIVVILI

**VISTU CHI** a palti da la ciurrata d'ogghji, come d'abbitudini ill'anni, s'organizzarani li festi réligiosi di li nostri Patroni;

**VISTU** lu programma di li festi zivvili e réligiosi datuci da lu cumitatu olganizzadóri, chi cumunichighja cosa faciarani illi ciurrati 14/15/16 di Santigaìni d'abannu;

**PRESU ATTU** chi dugn'annu chistu ufficciu, in occasioni di li fatti ditti a innanzi, affida un pezzu di tarra pubbrica pa' la 'indióli innantu a chissu lócu;

**VISTU CHI** pa' garantì lu svolgimentu regolari di lu programma di li dì di festa è indispensabili rigulà lu trafficu di calche carréra di la zona antica;

**PRESU ATTU** di la nizissitù e di la primura di garantì lu salutu pubbricu e galdà la 'ntegritai di lu 'ntaressu pubbricu di lu patrimoniù stradali;

**VISTI** l'alticculi innùmmaru 6 e 7 di lu Decrettu Legislativu di la dì 30 d'Abbrili di lu 1992 innùmmaru 285 chi tratta di lu Testu Unicu di li réguli innantu a li passaghji illu stradoni;

**VISTU** lu Decrettu di lu Presidenti di la Repubblica di la dì 16 di Natali di lu 1992 innùmmaru 495, chi tratta di lu Regolamentu di lu Codici illu Stradoni;

**VISTU** l'alticculu innùmmaru 107 di lu Decrettu Legislativu innùmmaru 267 di lu 2000 chi tratta di lu Testu Unicu di l'enti locali;

## ULDINÌGGHJA

A paltì da l'una di matinata di la dì 13 di Santigàini 2022 e finz'a cumprì li festeggiamenti previsti pa' li primm'ori di la dì 17 di Santigàini di lu 2022 li carréri di Cavour, Umbeltu, Magnon, Carlu Albertu, Regina Malgarita e la piazza di la Libbaltài, sò chjusi a lu trafficu e a la filmàta di tutti li vetturi, francu chissi trattati da li suprastanti di la manifestazioni e da chissi di lu silviziu di li `indióli illi zoni pùbbrichi.

Pa' la ciurrata di duminica, la dì 16 di Santigàini di lu 2022 illu mumentu di la manifestazioni chjamata "Gara di li Carrulédghi", è impidutu lu passagghju e la filmata di tutti li vetturi a paltì da l'una di matinata a li setti di la sera in:

- "Carréra Verdi, insembi a la zona di sosta di la spiaghja.
- "carréra Imbriani" illu trattu cumpresu tra "carréra di lu Mari" e "carréra Verdi".
- "Carréra Amsicora" illu trattu cumpresu tra "Carréra Garibaldi" e "Carréra Verdi"

Ca' si selvi di chissi camini venarà avviltutu di chista uldinanzia pa' l'affissioni di la segnaletica nizissaria a lu casu.

Lu Responsabbili di chistu procedimentu è l'Assistenti Capu di Polizia Locali Occhioni Emanuele.

### **Lu Responsabbili**

Fioredda Salvadóri / ArubaPEC

S.p.A.

(attu sottuscrittu digitalmenti)